

السيد عباس

## وداع حزين لروح "ممله"

شعر



## مدخل

امبارح  
أبويا اتصل بيا بالتليفون  
قال تعالى  
افتح لي باب القبر  
الروطبة  
عاليه على الآخر  
ولأني خفت  
لا بوييا يقل عقله ويعملها  
وييجي يعيش ويانا  
من بعد ما شجينا نفسنا  
على الآخر  
قلت له  
ضيعت المفتاح



أسباب كثير لهم واحد

( والشعراء يتبعهم الغاؤون )

وأنا ..

وما حدث عايز

عشى ورايا .

- الكون واسع جدا  
- أوسع من خرم الإبرة  
- اللي فد إيد أمي  
وبتحاول تلضمها  
بقتلة خيط مش عارفه  
لكن بتحاول .

أنا مش فرعوني  
ولا فيش أى علاقة  
بتربطني بفراعين الماضى  
غير بس الموطن  
لا أعرف أنحت ثنائيل  
ولا ارسم نفسى  
على الجدران



- بينى وبينك  
- يا حياه  
الموت  
جميل

-

-



دخول حي على ميت فجأة

من أول ما تخطى برجلك  
عتبه باب البيت تفاجئ  
بدهان الحيط ..  
النازل يركع على أرضية  
بيت الرعب  
فتأخذ ..  
وتحس برعشه غريبه  
ويتهمز النور من خوفك  
وهيكل واحد قاعد على مكتب  
ويكتب فـ قصائد  
بيقولك ما تخافش  
أنا لى زمان مستني قدومك  
ويشاور على كرسي  
فتقعد فوق أعصابك  
مستغرب انه بيثبه ليك  
ويكتب نفس الشطر

اللى انت بتكتب فيه

فتخاف

واما يبص عليك

ويقولك

" ان عناكب سقف البيت

انتحرت

لما ناموس الناحية اتغرب "

تتظمن .. اكمنه

بردد ليلك فد كلامك

وتبدأ تناقش رياه

فد مسائل كانت صعبة

عليك

الرؤية

النص

الشكل

ووقت ما بتفتح رياه فد مواضع

كليوباترا المرسومة

على العلبة

بتبص عليكم باستغراب

حتى المكتب

غمض كل ادراجة

وراح في النوم

لما دخلت بروحك

جوه الهيكل

القاعد على مكتب

ويكتب في قصايد

روح غريبة - غريبة

مع آخر دمه فـ عيني

باموت

والروح ..

تستجد بحبال الصوت

المربوطة بأحكام

وتنادي ..

على كل المخاليق

القاعدين يقروني

فـ قرآن ويدعوني

اموت بهدوء

الروح ..

مش عارفه طريقها

وخافقه تسبب الجسد

التمدّد ع الأرض ..

توه

وانا سامع ..



مش فاهم حاجه

ما انا أول مرة

.. اموت

ولأني جديد

كان لازم اسكت

وانا شايف روحي

بتخرج للسموات

ياااااه ..

كل دى أرواح سبقتني

معقول انا ممكن

الاقى مكان وسطهم .



**برودة الحاجات الميتة  
ساعات بتقتل**

ومشيت ..  
زى كل الناس  
الماشين فى جنازتى  
قافل بقى  
وبراقب بعيونى  
النعش اللى بيتمايل  
بالجسمان  
مشهد .. مش ممكن  
يتكرر تانى

عائز أصرخ مش قادر  
تراب بيغمي عيوني  
ويقفل كل مخارج صوتي  
الناس ..  
مشغوله  
بكتابة اسمي  
على الاسمنت الاخضر  
معقوله ..  
بعد الناس ما تروح لييوها  
وتدخل جوه الدائرة  
المقفولة  
ممکن يرجع واحد منهم  
ويدور على اسمي  
المكتوب ع الشاهد

مین الناس دول !!!

مش شایف

مش قادر امیز

مش عارف

هما لیه بیسألوی

الأسئلة الصعبة دی

وانا لیه

غرقان فـ عرقی

وعمال

انزل

لتحت .

ايه ده ؟

انا شايف حاجات

بتخرج من جسمي

وتدخل تاني

بسهوله

بترسم فـ الجلد شوارع

والغريبة اني

مش حاسس بحاجة

ومعجب

بمراقبة الاعاضم

الله على السكون  
انا ممكن املا الدنيا قصايد  
ولاول مرة راح اكتب  
وانا مش خايف من حد  
ولا خايف من الضلمه  
ولا حتى من الهيكل  
الساكن ويايا



ايه ؟

اسكت

على فين واخذني ؟

اسكت

طب ليه بتغموا عيوني

انا اصلا مش شايف حاجة

اسكت

طب فكروا قيودي و او عدكم

مش هاتكب تاني قصايد

اسكت .

ازاي تنجراً  
وتعرض كل الأموات ع الثورة  
أنا !!!  
كل الأوراق بتدينك  
أنا !!  
طبعاً انت  
ولأنك بتبخ سموك  
فـ ودان الأموات العاقلين  
قررنا رجوعك للدنيا  
ارجوك اسمعنى  
حلص الكلام ..

.....

.....

كل الحاجات البليدة بتشبه بعضها

وانا نازل المعركة  
مربوط ومتكبل  
ما كانش ممكن انتصر  
اكنفى ..  
مربوط ومتكبل .

وانا ماشى جنب المحيط  
كنت فاكّر  
انى متدارى  
ورسمت عصافير كثير  
بتطير  
لكن الغريبة  
انما بعد الرسم  
كانت كلها بتموت

طابور طويل  
وانا  
واقف في ديله  
مستفي دوري  
اللى عمره ما بيحي  
أو حتى الطابور ينتهي  
والغريبة  
ان السنين بتموت  
وانا لسه  
واقف مكان

أول ما الحياة بتشقق

ينبت الشارع العيال

ويتوع الزبالة والسريحة

الأرصفة

تتملى بشر

يطرح ضجيج

وأنا وانت

نتوه فى دوامة الحياة

ونعود

وقت النها رما يغيب

نتفاجى بالسكون

وموت الأرصفة

زمان قوی  
وقت ما کنت صغیر  
کان مصروفي بیحترمني  
ویشتریلی ای طلب اطلبه  
فجاءه اختفی  
وما رجعت تانی  
واختفت کل الحاجات  
اللی کنت بیجها  
وظهرت حاجات کثیرة  
لکن ..  
مش علی قد سنی .



زمان  
كنت باكل كرملة  
وغزل البنات وسمسمية  
واعشق العسلىة اللى فد عنيكى  
ونبوت الغفير اللى ابوكي  
ما كانش بيحيه  
واكمي زودقها  
كان لازم اتعاقب  
وعقابي كان  
" الأنسولين "



سٲنن مآسوبة ع الواآء

سٲن فائٲة  
وانا قاعد على مكتب  
بشٲهلى  
عبط زى  
جماد حلمه  
وناس داخلٲة  
وناس خارجه  
وناس دافعة  
وناس واخده  
وناس بالكذب  
تضحكلى  
وانا عارف ومش فارقه  
سٲن سائقانى فى دروبها  
انام واصحى على حالى  
وانا حالى كما حالكم  
مافٲش فايدة

بنتقاسم همومنا القوت  
وتبلغنا  
حياة محرومة م المعنى  
صحيح عايشين  
ساعات بنفوت من الابره  
كثير نتداري فـ الهدمة  
وأهي ماشية  
مافيش يوسف  
مافيش تفسير  
ولا حتى العزيز نافع  
سنين وخذانا بالقوة  
أنا وهو  
لا يتكلم ولا اتكلم  
جهاذ حلمه  
جهاذ قلبي كما قلوبكم  
بتشبهنا ونشبهها

سنين فايته بتخدعنا  
أقول يمكن تروق بكرة  
وتعدل  
وبكرة عمره ما جاني  
ولا طبطب على كتافي  
حمولي شييت راسي  
انا الراسي على القولة  
سنة أولى  
سنة ثانية  
سنة تالطة  
سنين ياما كثير فايته  
وانا مصلوب على حلمي  
لا أنا عايش ولا ميت  
ولا بأيدي اغيرها  
سنيني ..  
صعب تفسيرها .

## كلام لقمان الأخير

بتشبهك ..

كل الحاجات الميته

ساعتك

ولاعتك

كراستك

حتى الناس الساكنه

ف دواليب افكارك

وانت ..

بتشبه لامبارح

ماضى

وسعيد بوجودك

ع الهامش

مع ان العرافه زمان

شاورتلى عليك

بصابعها وقالت

انك فارس



هذا الزمن المتيل

ع

الآخر

وانك ..

هتحرر كل عييد الكون

ألاقيك مستسلم

ومسلم مفاتيحك والشفرة

لغيرك

ببساطة وبدون تفكير

ببهدك

دوس الرجلين

على خدك

وبرودة أعصاب العالم

والناس المفروضه عليك

فتنام

وتسلم نفسك للتوهم

اللى بترسم للخطوه متاهه

ومتاهة بتجر متاهه  
انت الخمصران  
وما حدش  
هيشيل وياك  
فى الخيبه  
امبارح مش ممكن  
يتكرر تانى  
أشهر سيفك  
لو مرة وهتموت بعديها  
اعلن ..  
ان اللى بيحصل حواليك  
مش هامك  
ولا دمك منه هيتعكر  
إنك رافض  
لوجودك ع الهامش  
وانك  
فارس هذا الزمن الأوحده

انت والكلام وانا ..  
عنوان القصايد

مسكينة دماغى  
المسكونة بأوهام  
وحاجات  
بتجنن الجن  
وتقرب منها العفاريث  
وعيونى المليانة كلام  
يشبه لكلام الحواديت  
ولسانى المتغنى بهمى  
الطارح جوه حيطان البيت  
مساكين انا وانقى  
وكل الناس المزوجة بدمى  
المعجونة  
بصر ابويا  
وطيبة أمى  
نحلم ..  
تتبدل كل الأحلام

كوابيس

نرجع ..

تتحول كل أبواب البيت

متاريس

ونضيق انا وانتي

فـ شوارع تشبه ملامحنا

كان لازم يعني تطارعي

دا انا باخرج من محنه لمحنه

انا همى بيسكن تقاطيعي

والصرخة ان خرجت

من ضيقى

من خوفي لجوايا تضيعي

مساكين أنا وانتي

ودماغى

والعمر الضايح ع الفاضى

ارجو كى تروحي وتنسيني

انا رافض موتك

فـ اوراقى



## موت شاعر "فيلم اجتماعي"

مش باقى مني  
غير صورة ف بـرواز  
متعلق ع الحيط  
وانا باضحك  
من كتر الغيظ وهاطق  
واسمي اللى ملازم لولادي  
وحبة اشعار  
كنت فاكرهم هيخلوني  
اتبعد وادوب ف العز  
كان لازم اعرف  
ان الإنسان المتفاني  
فاني  
وان الدنيا اما بتضحك  
ليه بتغشه  
وان العمر إن طال  
مش ممكن هيمش



غير وقته  
ولاني ما كنتش عامل  
أي حساب للوقت  
اللى بيخدعني ويهرب  
كان لازم أقبل  
ايه يعني هيعمل غيظي  
في الناس الدايسين  
فوق روحي برجليهم  
ايه يعني  
لو بعد ما اموت  
يتعلق اسمي  
على أكبر شارع في الدنيا  
والناس تنباهي بمعرفتي  
هل ممكن  
ده يغير شئ في الصورة  
ما انا لسه

متعلق نفس التعليقه  
وشايل نفس الضحكة  
البهتانة  
وولادى من بعدى ف غربه  
لا الشعر الملى انا كاتبه  
نافعهم  
ولا حتى قصايد تأبيني  
يكفيني يقولوا  
كان شاعر  
قتلته احوالنا المقلوبة

دعوة للهروب إلى أعماق الذات المطحونة

وحدك  
شاييل كل هموم الناس  
فوق راسك  
ولا حدش حاسس بيك  
بتلف الدنيا اما بتتعب  
وبترجع تاني لاحزانك  
معقولة هتفضل ماشي  
فـ نفس السكة اللي بتكشف  
فيك أوجاع  
معقولة هتفضل بين الرحي  
مطحون

أحسن لك  
تسحب روحك من دي حياه  
وتروح لأماكن ثانيه  
بتفرح بقدمك  
سيبك م الناس وهمومها  
وفكر بس في ذاتك  
حاول تتحرر ..  
وانا ما عرفتش يبقى تموت



اربع زوايا وصورة محشورة

لساك فـ الصورة بتتسم

رغم موتى كل يوم

قدام عينيك

بتشاور

علشان اسمعلك

مع ان الصوت مقطوع

جوه خيالك

تتحرك اشباح الماضى

الملعونة

بتشدك

وتشدك

وتشدك

تجسك

جوه البرواز



( شكل الحقيقة من الداخل )

الناس اللي بتضحك  
ع الناس اللي بتضحك  
على ناس تانيين  
دول ناس مجانين  
وانا وحدى فى الدنيا العاقل  
وهاقولك ليه  
متجمد فيه الاحساس  
بالخلق التافه  
المغروس فى عواطف بتموت  
مع أول ضوء للشمس  
ولذلك .. ما اعرفش الفرق  
ما بين البكى والضحك  
ولا عمرى وقعت  
فى شرك الأحلام المبتورة  
بلون كل حاجتي واياي  
بلوني اللي بيعجبني

وامحى باقى الألوان

م الصورة ..

انا حر

وما حداث يقدر يقنعني

بلون غير لونى

الى اختارته وخليته

اللون السامى



اربع مشاهد ناقصه

أصحابي اللى متجمعين  
حوالين التورته  
بيغنوا من قلبهم  
( هابي بيرز داي تويو )  
مع أنهم عارفين  
اني بانطرح من روحي  
ما اعرفش ليه  
كانوا بيهنوني

\* \* \* \*

أول يوم العيد  
والنهار بيتسحب  
على شبائك البيت  
كنت اخرج من الجامع  
وانا باحلم بالعديه  
أخبط  
على كل بيت ف العيله  
اجمع فلوس كثير  
اكبر من عودي القصير  
اجرى على المراجيح  
اعلق روحي ف السما  
أو اركب العجله  
اعاند ف الشيطان  
وبعد ساعات قليله  
ما الاقيش ف جيى جنيه  
ارجع اخبط من جديد  
\* \* \* \*

غريبه قروي  
انك تشوف الخيانة  
بعينيك  
تضحك من جوه قلبك  
تعمل نفسك  
مش فاهم حاجه  
ولا دارى باللى يحصل  
يتخلط الطين بالعجين  
ف ودانك  
والكل حواليك يستغرب  
برود اعصابك  
ف ليل يؤنه

\* \* \* \*



متلخبطه

فصولنا الأربعة

وابلة الألعاب

بتصرخ .. انتباه

وانا ..

باسأل سعيد صاحبي

امتي هنجي العلم ؟

ما اعرفش ليه ابتسم

وما ردش عليه .



خلاص ما بقتش قادر اتحمل

محاسبيك كتار  
وانا من ضمن محاسبيك  
ياللى انتى محسوبه عليه  
وحاسدني عليكى الناس  
كتير اصحي على صوتك  
يقول اصحى  
بلاش تحلم على الفاضى  
وعيش راضى باحالك  
خلاص مليت ومش قادر  
اشوف عطفك على غيرى  
واتفرج وانا ساكت  
وانا حاقد ..  
انا حاقد عليكى بجد  
لا هـ ارجعلك  
ولا اسمحك  
تخليني فدا ليكى

ولا قلبى ألقى يوم حبك  
هيرجع تاني يرعاكى  
يا فاكراهم وناسيانى  
وشارباهم وباعيانى  
انا كارهك وكارههم  
ورافض عطفك الزايف  
ومش خايف  
ومش خايف من اللى  
غموكى  
ولا فارق معايا الموت  
يا راضية منى بسكوتى  
ونبوتك سايقنى سوق  
وكرباجك على زهرى  
معربى ف كل آوان  
لا تدبني ولا تاخذى  
انا رافضك على بعضك

لا حلوك عاد بيفرحني  
ولا مرك بيألمني  
كثير ياما وأنا نائم  
فـ أحلامي  
هذيت باسمك  
وناديتك تضميني  
على صدرك  
وحلفتك تغطيني  
وتحميني من الحفافيش  
لا مره على رديتي  
ولا حنيتي لكلامي  
يا عاشقه تسمعي صوتك  
وصوتي مش ييشجيكي  
أنا مش قادر التحمل  
ولا قادر أقول موتى

## حاجات بتخلى الواحد يطق

مش ممكن تعدلها ان مالت  
مش ممكن هتغير حاجه  
بتهايتي وما حدش سامعك  
غير روحك  
وانت الشاغل نفسك بيها  
واهب روحك لعينيها  
وعنيها  
مش شايفه جراحك  
ولا سامعه انين اشعارك  
وعليها ..  
متكاتله كلاب الارض الجريانه  
بتنهش اوصالها  
وكلامك مش قادر يوصلها  
ما ندمتش على حبك ليها ؟



وسهرك طول الليل

طول الليل

طول الليل

يا فهارك الأسود

ازاي ما صعبتش على روحك

ازاي ما حاولتش تتغير

وتغير ف طباعها الملعونه

خايف

اتكلم

يا جبان

مش قادر تتنفس

ولا عارف ايه حدود اللعبه

احسنلك اتبيل واسكت

حاول تتعلم من خبيتك



## کنت بصرح روحی



مخنوق انا

حاسس بضيق

طابق على روعي

كاتم على نفسي

كان نفسي اكون

عكس ما انا عايش

كان نفسي اكون

لهذا الزمان هملوان

لكني يا للاسف شاعر

والشعر ما بيديش

غير اللي بينافق

يلعب على الحبلين

ويقلوظ العمه

هذا الزمن موبوء

والشعر بيجووع

بطاقة تعارف

الاسم : السيد أحمد عباس

الميلاد : 1969 / 11 / 23

المطرية / دقهلية

تليفون : 0186584471 ٠١١٨٧٩٨٩٨١

E-mail : Said\_abas2003@Hotmail.Com

صدر للشاعر :

ديوان " من ليالى التريف والموت " عن الهيئة العامة لقصور الثقافة .

## المحتوى

مدخل / 3	
أسباب كثير لهم واحد / 5	
دخول حى على ميت فجأة / 11	
روح غريبة .. غريبة / 15	*
برودة الحاجات الميتة ساعات بتقتل / 19	*
كل الحاجات البليدة بتشبه بعضها / 27	
سنين محسوبة ع الواحد / 35	
كلام لقمان الأخير / 39	
انت والكلام وانا .. عنوان القصايد / 43	
موت شاعر " فيلم اجتماعى " / 47	
دعوة للهروب إلى أعماق الذات المطحونة / 51	
أربع زوايا وصورة محشورة / 55	
( شكل الحقيقة من الداخل ) / 57	*
أربع مشاهد ناقصه / 61	*
خلاص ما بقتش قادر التحمل / 67	
حاجات بتخلي الواحد يطق / 71	
كنت بصارح روحى / 75	

رقم الإيداع بدار الكتب

2006/22961

الترقيم الدولي I.S.B.N.

977-374-249-0

دار الإسلام للطباعة والنشر

تليفون: 050 / 2266220

محمول: 012 / 2614363